



Phau Ntawv Qhia Txog Kev yooj Yim

# Cov Thaj Chaw Xim Ntshuab

## Lub Zeem Muag Tag Nrho Rau Kev Hloov Mus Ua Cov Zej Zog Ib Puag Ncig

Phau ntawv qhia kev yooj yim no tuaj yeem siv los qhib thiab koom nrog cov zej zog hauv kev sib tham thiab kev sib koom tes nrog kev noj qab haus huv ntawm lawv cov zej zog nyob ze ib puag ncig. Txhua lub zej zog nyob ze ib puag ncig muaj qhov xav tau tshwj xeeb thiab qhov tseem ceeb raws li kev tsis ncaj ncees ib puag ncig cuam tshuam tsis zoo rau zej zog. Peb cia siab tias los ntawm kev sib koom tes sib tham tau sau tseg hauv lub rooj cob qhia no, cov kev daws teeb meem hauv zej zog, raws li kev ncaj ncees thiab kev ruaj ntseg, raug txheeb xyuas los hloov cov cheeb tsam uas muaj kuab txhaum dhau mus rau hauv cov zej zog nyob ze ib puag ncig kom muaj kev noj qab haus huv.

### Cov Khoom Uas Xav Tau

#### Kev Noj Qab Haus Huv Ntawm Cov Cuab Yeej Tso Qhia Ntawm Zej Zog Nyob Ze Ib Puag Ncig

- [“Ib qho ‘Keeb Kwm Uas Raug Hlov Qab Mus Lawm’ Ntawm Txoj Hauv Kev Tsoom Fwv Teb Chaws Asmeskas Tau Faib America”](#) NPR tsab lus (luam tawm)
- [“Los Ntawm Memphis txog Ntawm Tsev Dawb, Tus Kws Pab Neeg Tshawb Nqa No Tab Tom Ntsib Nrog Cov Kab Xim Liab thiab Kev Tsis Ncaj Ncees Ib Puag Ncig \(From Memphis to the White House, This Advocate Is Confronting Redlining and Environmental Injustice\)”](#) NRDC tsab ntawv (luam)
- [“Daim Phiaj Qhia Chaw Tsis Sib Xws: Cov kab xim liab hauv Txoj Cai Tshiab Meskas \(Redlining in New Deal America\)”](#) Daim phiaj qhia chaw Sib tham ntawm kab xim liab hauv cov zej zog ib puag ncig nyob rau hauv lub teb chaws Meskas

#### Tshab Ntxiv Cov Khoom Siv

- Computer los sis iPad
- [EJ 101 Kev Ua Cov Duab Txav Chaw](#)
- Daim ntawv Poster
- Cov cim
- Daim ntaub nplaum

## Cov kauj ruam yooj yim

**A. Kev Taw Qhia: Peb yog leej twg? Leej twg nyob ntawm no (lub npe / lub zej zog nyob ze ib puag ncig)? Lub hom phiaj rau hnuv no [10 feeb]**

**B. Thaj Chaw Xim Ntsuab yog dab tsi? [15 feeb]**

1. Kom cov neeg koom nrog tuav lub rooj los zaum thiab zaum ua ib pab pawg loj.
2. Siv sij hawm ib ntus rau cov neeg koom nrog hauv qhov chaw, nthuav qhia Thaj Chaw Xim Ntsuab lub dej num thiab cov hauv paus ntsiab lus:

### Thaj Chaw Xim Ntsuab lub dej num

Kev Nqis Tes Pib Thaj Chaw Xim Ntsuab siv cov hauj hwm cuam tshuam loj, uas txiav txim siab tag nrho ntawm cov huab cua txhaum hauv ib cheeb tsam tshwj xeeb suav nrog kev tsis ncaj ncees hauv kev lag luam zej tsoom thiab kev noj qab haus huv. Cov zej zog ntawm haiv neeg xim, haiv neeg qhab, thiab cov zej zog tau nyiaj tsawg yog cov nyob rau pem hauv ntej ntawm ib puag ncig muaj kuab txhaum, thiab vim li ntawd, thiaj ua rau raug kev cuam tshuam ntau dua los ntawm kev tsis ncaj ncees ib puag ncig.

Cov Thaj Chaw Xim Ntsuab teeb tsa nyob rau ntawm lub hauv paus ntsiab lus uas huab cua huv thiab av yog tib neeg txoj cai qib qi, thiab yuav tsum tsis txhob txiav txim siab los ntawm cov nyiaj tau los thiab haiv neeg. Phiaj ntawm Cov Thaj Chaw Xim Ntsuab los nqis tes ua hauj lwm los tsom saib rau tsoom fvw (xws li kev cai lij choj thiab kev tswj hwm) thiab kev nqis peev ua lag luam hauv zej zog cheeb tsam thiab cov peev txheej rau cov zej zog uas ntsib teeb meem nyhav heev - los sis, cov zej zog raug xaiv los ua Cov Chaw Xim Ntsuab.

Lub suab ntawm cov neeg nyob hauv yog ib qho tseem ceeb hauv kev npaj lub phiaj xwm thiab teeb tsa cov koom haum Thaj Chaw Xim Ntsuab. Lub zeem muag, lub hom phiaj, thiab qhov tseem ceeb rau Thaj Chaw Xim Ntsuab yog qhov hauv paus hauv lub suab ntawm cov neeg nyob hauv zos, uas qhia txog qhov sib cuam tshuam ntawm kev ua neej nyob thiab cov kev daws teeb meem uas tau teev tseg los ntawm cov neeg nyob hauv. "Thaj Chaw Xim Ntsuab ntawm cov zej zog yog cov qauv rau kev hloov pauv uas nqis tes ua ntej hauv zej zog"<sup>1</sup>.

3. Kom cov neeg koom nrog tig mus rau sab laug thiab sib tham txog cov lus nug hauv qab no nrog lawv tus khub. Txhawb kom lawv saib cov zej zog ib puag ncig hauv nroog uas muaj kev cuam tshuam ntau ntxiv uas yuav tau txais txiaj ntsig los ntawm Thaj Chaw Xim Ntsuab (Green Zones) cov dej num thiab kev pab cuam:
  - a. Koj puas nyob hauv ib cheeb tsam uas muaj kev cuam tshuam sib ntxiv ntau tuaj?
  - b. Dab tsi cuam tshuam rau thaj chaw no?
  - c. Leej twg nyob hauv cheeb tsam no?
4. Kom cov neeg koom sawv ntsug. Lawv yuav tawm dag zog tsis tu ncu; Qhov kev tawm dag zog no yog tsim los kom cov neeg koom txiav txim siab txog kev sib tshuam ntawm ib puag ncig kev ncaj ncees thiab teeb meem kev ncaj ncees hauv zej tsoom.

<sup>1</sup> Pib Cov Dej Num Kev Ncaj Ncees Ib Puag Ncig Hauv California (A California Environmental Justice Initiative), CEJA. California Cov Chaw Xim Ntsuab: Lub Hauv Paus thiab Cov Ntsiab Lus Tseem Ceeb. <https://calgreenzones.org/about-the-green-zones-initiative/common-roots-and-core-principles/>

5. Piav tias txhua lub ces kaum ntawm chav tsev sawv cev rau ib qho teeb meem sib txawv, uas yog: kev ncaj ncees ib puag ncig, kev ncaj ncees hauv zej tsoom, kev ncaj ncees rau kev noj qab haus huv, los sis kev ncaj ncees fab nyiaj txiag lag luam. Nug cov lus nug: Puas yog Thaj Chaw Xim Ntsuab ntau dua piv nrog rau cov kev ncaj ncees ib puag ncig, kev ncaj ncees hauv zej tsoom, kev ncaj ncees hauv kev noj qab haus huv, los sis kev ncaj ncees fab nyiaj txiag lag luam? Muab sij hawm li ~3 feeb rau kev xav thiab txiav txim siab.
6. Thaum txhua tus tau xaiv lawv lub ces kaum tiav lawm, qhia lawv sib tham *vim li cas* lawv thiab li xaiv lawv lub ces kaum. Muab sij hawm li ~3 feeb rau kev sib tham.
7. Mus rau txhua lub kaum, muab rau ib tus neeg hais los piav qhia lawv cov ces kaum *vim li cas*.
8. Xaus lus ntawm kev tawm dag zog los ntawm kev piav qhia tias Thaj Chaw Xim Ntsuab suav nrog tag nrho cov teeb meem tseem ceeb no, vim tias tag nrho cov teeb meem no cuam tshuam thaum xav txog kev noj qab haus huv ntawm cov zej zog nyob ze ib puag ncig.

### **C. Kev Tso Saib Kom Pom Txog Kev Noj qab Haus Huv Ntawm Cov Zej Zog Nyob Ze Ib Puag Ncig [40 feeb]**

1. Siv sij hawm ib pliag los txuas cov kev sib tshuam ntawm redlining, av-siv, thiab tsis sib npaug ib puag ncig lub nra:

#### **Kev Tsim Kho Lub Nroog Xim Liab (Urban Redlining)**

Peb cov zauv zip-codes muaj feem cuam tshuam rau peb txoj kev noj qab haus huv. Kev ntsuas ib puag ncig, xws li kev nkag mus rau thaj chaw ntsuab nyob ze, huab cua zoo, nyob ze rau txoj kev loj, thiab theem kev tsheb khiav, txhua tus ua rau peb lub neej zoo; thiab cov xwm txheej no sib txawv tsis sib xws ntawm cov zej zog nyob ze ib puag ncig. Hauv Teb chaws Meskas, cov zej zog ntawm haiv neeg xim, haiv neeg qhab, thiab cov zej zog tau nyiaj tsawg yuav muaj huab cua tsis zoo, nyob ze cov chaw tsim khoom, thiab muaj kev cuam tshuam ntau dua los ntawm cov xwm txheej ceev fab huab cua. Cov kev tsis sib xws no tsis yog kev ua tsis tiav ntawm txoj cai, nws yog qhov tshwm sim ntawm nws xwb.

Redlining tau pib thaum xyoo 1930, thaum cov zej zog nyob ze ib puag ncig tau muab qhab nia raws li lawv qhov kev phom sij rau qiv nyiaj ua tsev. Cov zej zog nyob ze ib puag ncig tau muab qhab nia nyob rau hauv plaub pawg: 1) Hom A (zoo tshaj plaws); Hom B (nyob rau qhov uas tuaj yeem txais tau); Hom C (tsawg kawg), thiab hom D (muaj kev phom sij). Cov zej zog nyob ze ib puag ncig uas tau muab cais ua hom "kev phom sij" tau piav qhia hauv cov xim liab ntawm daim phiaj qhia chaw thiab raug txwv tsis pub nkag mus qiv nyiaj thiab lwm yam kev lag luam. Cov zej zog nyob ze ib puag ncig no feem ntau yog cov cheeb tsam sab hauv nroog thiab feem ntau yog cov neeg Dub thiab cov neeg tsiv teb tsaws chaw. Yog li ntawd, cov zej zog nyob ze ib puag ncig thaj tau raug cais los ntawm haiv neeg thiab pawg neeg. Niaj hnuv niam no, peb pom kev kos ntawm cov kab xim liab hauv keeb kwm nws yog ib qho kev cuam tshuam uas tsis tu ncuu rau cov zej zog; nws tsis muaj kev huam yuaj uas cov zej zog ntawm haiv neeg xim nyob ze ntawm qhov muaj pa txhaum thiab txoj kev tsheb loj. Tshaj tawm txoj cai kab xim liab, thaum cov tub ceev xwm saib xyuas hauj lwm faib ciam av tej thaj txhawm rau los teeb tsa lub factory tshiab los sis tsim txoj kev tshiab, cov zej zog muaj kab xim liab cia zoo li lub phiaj poos paub uas raug ntaus tag ntau dua.

2. Teem peb lub chaw, ib qho nrog lub computer los sis iPad. Ntawm ob lub chaw, tso ib qho ntawm cov ntawv luam tawm: "[Ib qho 'Keeb Kwm Uas Raug Hnov Qab Mus Lawm' Ntawm Yog Ua Li Cas Tsoom Fwv Meskas Sib Faib Meskas](#)", "[Los ntawm Memphis mus rau Tsev Dawb, Tus Neeg Txhawb Ntawm no Tab Tom Ntsib Nrog Redlining thiab Kev Ncaj Ncees Ib Puag Ncig](#)". Ntawm qhov chaw hauv computer, qhib lub vev xaib rau "[Mapping Inequality: Kab kev xim liab hauv Meskas Txoj Cai Tshiab \(Redlining in New Deal America\)](#)".
  - a. Lub Chaw #1: Ib qhov chaw sib tham uas muaj cov ntaub ntawv ntawm kev coj ua redlining thaum xyoo 1930s. Cov neeg koom tuaj yeem tshawb nrhiav cov ntaub ntawv thiab cov phiaj qhia chaw uas qhia cov hneev taw ntawm redlining ntawm kev ntxub ntxaug haiv neeg thoob plaws lub teb chaws niaj hnub niam no; "[Kev Tsis Ncaj Ncees Phiaj Qhia Chaw: Kab kev xim liab hauv Meskas Txoj Cai Tshiab \(Redlining in New Deal America\)](#)".
  - b. Lub Chaw #2: Nkag siab tias tsoom fwv hauv nroog, xeev, thiab tsoom fwv teb chaw tau ua li cas thiab ua raws li cov cai tswj fwm kev sib faib av uas xaiv yuav ua li cas: "[Ib qho 'Cov Keeb Kwm Uas Raug Hnov Qab Mus Lawm' Txoj Hauv Kev Uas Tsoom Fwv Teb Chaws Meskas Faib Ameslikas](#)".
  - c. Lub Chaw #3: Txuas qhov kev cuam tshuam ib puag ncig thiab tej huab cua tsis tsim nyog hauv kev siv av thiab rov ua dua: "[From Memphis to the White House, This Advocate Is Confronting Redlining and Environmental Injustice](#)".
3. Muab cov neeg koom nrog rau txhua qhov chaw ua khub los sis pab pawg me. Txhawb kom lawv nyeem los sis ua si nrog cov khoom siv ntawm lawv qhov chaw. Siv sij hawm kwv yees li ~ 10 feeb rau lawv nyeem thiab xav ntawm lawv qhov chaw; txhawb kev sib tham.
4. Kom cov neeg tuaj koom ob peb feeb los sau lawv cov peev txheej rau pawg loj.
5. Mus rau qhov chaw, kom cov neeg koom nrog faib lawv cov kev kawm; coj kev sib tham ua kom tiav qhov tseem ceeb ntawm txhua qhov peev txheej thiab seb lawv haum li cas ntawm cov peev txheej txhua hom, los ntawm cov lus nug uas tseem ceeb:
  - a. Koj pom kev sib tshuam ntawm haiv neeg li cas nrog lub nra ntawm zej zog ib puag ncig?
  - b. Kev siv av cuam tshuam li cas rau kev noj qab haus huv ntawm zej zog nyob ze ib puag ncig?
  - c. Qhov dej num Cov Thaj Chaw Xim Ntsuab tuaj yeem txo qee qhov keeb kwm yav dhau los thiab/los sis niaj hnub no lub nra uas cuam tshuam rau cov zej zog nyob ze ib puag ncig kab xim liab (redlined neighborhoods)?

#### **D. peb cov zej zog nyob ze ib puag ncig [20 feeb]**

1. Muab ib daim ntawv thiab cim rau txhua tus neeg koom. Txhawb kom lawv pom lawv cov zej zog nyob ze ib puag ncig thiab kos lawv qhov block. Kom lawv suav nrog cov chaw uas tej zaum yuav nyob hauv ib mais deb ntawm lawv lub tsev nyob rau sab nrauv ntawm daim ntawv. Cov chaw yuav tsum suav nrog cheeb tsam ntawm ib puag ncig lub nra (xws li chaw lag luam, txoj kev loj) thiab thaj chaw ntawm kev tiv thaiv ib puag ncig kom ruaj khov (xws li tsev kawm ntawv, chaw ncig ua si, mosques).
2. Piav tias lawv cov duab kos duab hauv zej zog nyob ze ib puag ncig yog los piav qhia seb lub zej zog puas muaj kev cuam tshuam zoo li cas, thiab cov zej zog tuaj yeem txheeb xyuas thaj chaw twg los xaiv rau phiaj xwm Cov Thaj Chaw Xim Ntsuab thiab cov dej num. Siv sij hawm li ~ 10 feeb rau kev kos duab thiab xav.
3. Thaum cov neeg koom tau ua tiav lawv cov duab kos hauv zej zog nyob ze ib puag ncig, qhia lawv kom pom thaj chaw twg ntawm ib puag ncig lub nra thiab kev tiv thaiv tuaj yeem pom nyob ze lawv, nws yog qhov tseem ceeb los txiav txim siab txog haiv neeg thiab pawg neeg hauv kev sib tham no:
  - a. Koj muaj kev txhawj xeeb dab tsi tshwj xeeb rau koj lub zej zog nyob ze ib puag ncig?
  - b. Koj muaj kev txhawj xeeb dab tsi tshwj xeeb rau koj lub zej tsoom?

- c. Koj lub zej zog nyob ze ib puag ncig puas muaj kev cuam tshuam ib puag ncig? (piv txwv li puas muaj ntau tshaj ib puag ncig thiab / los sis kev txhawj xeeb uas koj muaj rau koj lub zej zog nyob ze ib puag ncig?)
- d. Lub zej zog noj qab nyob zoo thiab vam meej zoo li cas rau koj?
- e. Cov cheeb tsam twg ua rau koj lub zej zog zoo heev?
- f. Cov peev txheej twg yuav ntxiv rau thaj chaw zoo ntawm koj lub zej zog nyob ze ib puag ncig?
- g. Koj lub zej zog nyob ze ib puag ncig xav tau dab tsi los daws cov kev txhawj xeeb tshwj xeeb uas koj muaj?

## Minneapolis Cov Thaj Chaw Xim Ntsuab

Kev sib tham zoo ib yam li qhov no tau tuav los ntawm cov koom haum hauv zos thiab cov neeg ua hauj lwv hauv nroog hauv Minneapolis Cov Pawg Tsom Saib Cov Thaj Chaw Xim Ntsuab (Green Zones Focus Group) cov kev sib tham, nrog rau kev sib tham nrog cov neeg nyob hauv. Cov kev sib tham no tau tuav hauv kev siv zog los txheeb xyuas cov kev xav tau hauv zej zog thiab kev txhawj xeeb ntsig txog kev ncaj ncees ib puag ncig thiab txhawm rau txheeb xyuas thaj tsam ciam teb Cov Thaj Chaw Xim Ntsuab. Cov tswv cuab hauv zej zog tau txheeb xyuas Sab Qaum Teb thiab Sab Qab Teb Minneapolis yog cov zej zog muaj kev cuam tshuam ntau tshaj plaws, cuam tshuam ntawm ntau thaj chaw ntawm ib puag ncig, zej tsoom, kev lag luam, thiab kev sib cais ntawm haiv neeg.

Lub tswv yim thiab tsom saib ntawm Thaj Chaw Xim Ntsuab yog txhais tau tias tsim thiab txhais los ntawm cov neeg nyob hauv, vim li no, tsis muaj ob Thaj Chaw Xim Ntsuab yog tib yam nkaus.

### E. Lub zeem muag zej zog [25 feeb]

1. Teeb tsa 3-4 qhov chaw, txhua qhov muaj peb daim ntawv loj loj thiab cov cim. Cov chaw no yuav ua rau cov zej zog pom cov rooj sib tham.
2. Muab cov neeg koom nrog rau txhua qhov chaw ua khub los sis pab pawg me. Piav tias cov lus nug taw qhia yuav raug tsim los ua kom lawv cov kev sib tham ua ke:
  - a. Koj npau suav dab tsi rau koj cov zej zog nyob ze ib puag ncig?
    - i. Siv sij hawm li ~ 5 feeb rau kev xav thiab sib tham.
      1. Qhia lawv kom sau lawv cov kev xav thiab kev npau suav ntawm ib qho ntawm peb daim ntawv tshaj tawm uas muaj.
      2. Kom txhua qhov chaw kaw lawv txoj kev npau suav rau ntawm phab ntsa ze. Mus rau ntawm cov chaw, txhawb cov neeg koom ua ib qho chaw luv luv taug kev, saib cov kev xav thiab kev npau suav ntawm lawv cov phooj ywg thiab cov neeg nyob ze ib puag ncig.
      3. Xa cov neeg tuaj koom rov qab mus rau ntawm lawv cov chaw rau cov lus nug tom ntej.
    - b. Cov dab tsi uas yuav cuam tshuam txoj kev npau suav no?
      - i. Siv sij hawm li ~ 5 feeb rau kev xav thiab sib tham.
        1. Qhia kom lawv sau cov kev xav ua ke thiab kev xav tsis thoob ntawm ib qho ntawm ob daim ntawv tshaj tawm uas muaj cia.
        2. Kom txhua qhov chaw kaw lawv txoj kev npau suav rau ntawm phab ntsa ze. Mus rau ntawm cov chaw, txhawb cov neeg koom ua ib qho chaw luv luv taug kev, taug saib cov kev xav thiab kev tsis txaus siab ntawm lawv cov phooj ywg thiab cov neeg nyob ze ib puag ncig.

3. Xa cov neeg tuaj koom rov qab mus rau ntawm lawv cov chaw rau cov lus nug kawg.
- c. Yuav tsum muaj dab tsi tshwm sim los sis hloov pauv rau cov kev npau suav no kom kov yeej cov teeb meem no (xws li cov peev txheej, cov dej num, kev nkag mus rau cov ntaub ntawv, cov neeg tsim txoj cai)?
  - i. Siv sij hawm li ~ 5 feeb rau kev xav thiab sib tham.
    1. Txhawb kom lawv xav hauv zos thiab thoob plaws hauv lub txheej txheem.
    2. Qhia kom lawv sau lawv tej kev xav thiab kev xav tsis thoob rau hauv daim ntawv tshaj tawm kawg.
    3. Mus rau ntawm qhov chaw, txhawb pab pawg los qhia lawv cov kev daws teeb meem kom nrov nrov. Qhia kev sib tham kom ua tiav qhov tseem ceeb ntawm txhua qhov kev daws teeb meem thiab txoj haum kev ua kom haum nrog cov kev xav tau ntawm txhua lub zej zog nyob ze ib puag ncig.

## F. Peb cov phiaj xwm Cov Thaj Chaw Xim Ntsuab [15 feeb]

1. Ua si nrog [EJ 101](#) vi di au duab txav chaw.
2. Muab sij hawm rau cov neeg tuaj koom zaum thiab xav ib pliag. Siv cov lus nug tseem ceeb raws li xav tau:
  - a. Dab tsi yog qhov hem rau cov zej zog?
  - b. Puas muaj cov neeg los sis cov zej zog uas tsis muaj kev cuam tshuam / lav ris?
  - c. Dab tsi koj tib neeg los ua ke?
3. Ua ke, sib tham txog ntau yam kev nqis tes ua thiab kev txiav txim siab (ua los ntawm cov nroog, cov neeg nyob ib puag ncig, chaw ua lag luam, thiab lwm yam) uas yuav cuam tshuam rau peb cov zej zog, txhob txwm kos duab rau peb cov zej zog thaum hais txog Peb Lub Zej Zog Nyob Ze Ib Puag Ncig cov duab kos:
  - a. Kev siv av cuam tshuam li cas rau kev noj qab haus huv ntawm cov zej zog nyob ze ib puag ncig hauv cov yeeb yaj kiab txav chaw (animation)?
  - b. Koj puas xav tias cov zej zog hauv cov yeeb yaj kiab yuav tau txais txiaj ntsig los ntawm lub dej num Thaj Chaw Xim Ntsuab?
  - c. Peb pom kev koom tes hauv zej zog uas muaj txiaj ntsig los ntawm qhov twg?
  - d. Peb tuaj yeem sib txuas nrog cov neeg ua hauj lwm hauv nroog los sis kev lag luam li cas thaum nws los txog kev tawm tswv yim ntawm EJ ?
4. Piav tias kev sib koom tes ua hauj lwm koj los ntawm cov tswv cuab hauv zej zog hauv cov yeeb yaj kiab yog ib qho piv txwv tiag tiag ntawm qhov kev sib tw Thaj Chaw Xim Ntsuab yuav zoo li cas: cov tswv cuab hauv zej zog tuaj koom ua ke, hais lus thiab sib tham txog cov teeb meem, thiab tsim cov phiaj xwm los tawm tsam kev tsis ncaj ncees, hauv paus rau lawv tus kheej qhov cuam tshuam. kev daws teeb meem thiab lwm txoj hauv kev - zoo li kev npau suav thiab kev daws teeb meem cov neeg koom tau hais hauv cov hauj lwm dhau los.

## G. Tsim kom muaj lub zog sib koom ua ke hauv zej zog [20 feeb]

1. Kom cov neeg koom nrog tuav lub rooj los zaum thiab zaum ua ib pab pawg loj.
2. Txhawb kom cov neeg koom tes ua hauj lwm ua ke kom ua tiav qhov kev ntsuam xyuas qhov twg-thaum twg-leej twg-dab tsi-vim li cas ntawm kev sib koom ua ke hauv zej zog, tshwj xeeb tshaj yog npaj cov phiaj xwm Green Zones rau lawv cov zej zog / nroog:
  - a. Tsom saib zej zog thiab kev xav tau ntawm zej zog
    - i. Kev koom tes tsim nyog tshwm sim nyob rau qhov twg? (Nyob hauv zej zog nyob ze ib puag ncig? Hauv lub chaw ua hauj lwm hauv nroog?)
    - ii. *Thaum twg* peb mam pib?
    - iii. *Leej* koom nrog? (Cov zej zog?)



- iv. *Muaj dab tsi* tshwm sim uas coj peb mus koom? (Huab cua txhaum? Kev txhim kho av? Kev puas tsuaj ntuj tsim?)
  - v. *Vim li cas* qhov no cuam tshuam nrog Cov Thaj Chaw Xim Ntsuab? (*Vim li cas lub dej num* Cov Thaj Chaw Xim Ntsuab txhawb nqa peb lub zej zog?)
3. Tsim los ntawm cov lus nug uas teb thiab sib tham saum toj no, txuas ntxiv tsim cov tswv yim. Txhawb kom cov neeg koom tes ua hauj lwm ua ke los txuas ntxiv kev tawm tswv yim, tab sis tam sim no nrog rau kev nkag siab txog cov teeb meem uas muaj feem cuam tshuam, kev koom nrog ntawm txhua tus tau txais kev cuam tshuam, thiab tsim lub dag zog:
- i. Peb yuav tsum tsom mus rau peb lub zej zog kev koom tes kom ntseeg tau tias txhua tus neeg lub suab suav nyob rau hauv cov hom phiaj / qhov tseem ceeb uas peb tau teev tseg?
  - ii. Kev kawm twg hauv zej zog yuav tsom saib npaj los tsim kom muaj lub zog nyob ib puag ncig peb Cov Thaj Chaw Xim Ntsuab phiaj xwm?
  - iii. Peb tseem yuav tau kawm los sis nkag siab dab tsi txhawm rau los txhim kho phiaj xwm Cov Thaj Chaw Xim Ntsuab kom huaj vam? (Cov cuab yeej twg tuaj yeem txhawb nqa peb? Cov cuab yeej sib tham, Daim Phiaj Qhia Chaw, Cov ntawv ceeb toom muaj kuab paug?)
  - iv. Leej twg yuav tawm tsam qhov kev sib tw no? (Npaj kev sib cam)
  - v. *Vim li cas* cov lus nug no tseem ceeb rau peb txoj kev npaj ua hauj lwm?

#### **H. Kev Xav & Kaw Xaus [10 feeb]**

1. Xaus lus; Cov neeg koom tau kawm dab tsi? Lawv yuav qhia dab tsi rau cov neeg hauv zej zog? Dab tsi tseem tsis tau teb?
2. Ua tsaug rau cov neeg koom nrog lub sij hawm thiab kev koom tes; peb cia siab tias lawv tau kawm tej yam tshiab thiab muaj lub dag zog los txuas ntxiv kev sib tham zoo li hnuv no.